

**Broj: 06-03-527-01/12/15**  
**Mostar, 23.06.2015. godine**

Na osnovu člana 21. stav (1) tačka 9), člana 37. i člana 87. stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 10. stav (1) tačka i), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 20., člana 44., člana 48. stav (1) tačka b) i člana 49. Pravilnika za izdavanje dozvola („Službene novine Federacije BiH“ broj 43/14), postupajući po Zahtjevu za oduzimanje dozvole za rad broj 06-03-527/12/15 od 10.06.2015. godine podnosioca „D-PRO“ d.o.o. Sarajevo, Regulatorna komisija za energiju u Federaciji Bosne i Hercegovine – FERK je 23.06.2015. godine na XI redovnoj sjednici donijela sljedeće

### **RJEŠENJE**

#### **o oduzimanju dozvole**

1. Imaocu dozvole „D-PRO“ d.o.o. Sarajevo, Avde Hume broj 11, Sarajevo, oduzima se Dozvola za rad - licenca za snabdijevanje električnom energijom – dozvola II reda broj 06-03-1551/87/13, izdata 26.03.2014. godine, sa periodom važenja od 26.03.2014. godine do 25.03.2016. godine.
2. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.
3. Stupanjem na snagu ovog rješenja prestaje važiti Rješenje broj 06-03-1551-12/87/13 od 26.03.2014. godine, kojim je izdata Dozvola za rad - licenca za snabdijevanje električnom energijom – dozvola II reda broj 06-03-1551/87/13.

### **Obrazloženje**

Članom 21. stav (1) tačka 9) Zakona o električnoj energiji u Federaciji Bosne i Hercegovine propisano je da je nadležnost FERK-a izdavanje, obnova, prenos ili oduzimanje dozvola za proizvodnju, distribuciju, snabdijevanje, trgovinu električne energije i operatora za obnovljive izvore energije i kogeneraciju. Članom 87. stav (2) istog zakona propisano je da FERK izdaje, obnavlja, prenosi ili oduzima dozvole za rad u skladu sa procedurama propisanim posebnim aktima FERK-a, poštujući načela hitnosti postupka.

Članom 44. Pravilnika za izdavanje dozvola propisano je da se postupak obnove, izmjene i dopune, prenosa i oduzimanja dozvole za rad može pokrenuti na zahtjev imaoca dozvole i na vlastitu inicijativu FERK-a, dok je članom 48. stav (1) tačka b) istog pravilnika propisano da će FERK oduzeti dozvolu za rad ukoliko imalac dozvole odluči ne obavljati elektroprivrednu djelatnost za koju je izdata dozvola za rad. Takođe, članom 49. ovog pravilnika propisano je da se postupak obnove, izmjene i dopune, oduzimanja i prenosa dozvole, vodi na isti način kao i postupak izdavanja dozvole, ali i da ukoliko su u zahtjevu za pokretanje postupka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu bez objave obavještenja za javnost o podnesenom zahtjevu i bez održavanja javne rasprave.

FERK je 10.06.2015. godine primio od podnosioca „D-PRO“ d.o.o. Sarajevo Zahtjev za oduzimanje dozvole za rad pod brojem 06-03-527/12/15, koji se odnosi na Dozvolu za rad - licencu za snabdijevanje električnom energijom – dozvolu II reda broj 06-03-1551/87/13, sa periodom važenja od 26.03.2014. godine do 25.03.2016. godine, koju je FERK izdao rješenjem broj 06-03-1551-12/87/13 dana 26.03.2014. godine. Uz svoj zahtjev, podnesen na propisanom obrascu, podnosilac zahtjeva je priložio:

- Izjavu o tačnosti dostavljenih podataka broj Z-Z-428-A1/15 od 28.05.2015. godine,
- Odluku podnosioca zahtjeva broj: Z-OST-044-A3/15 od 15.05.2015. godine da na osnovu analize finansijskih pokazatelja i urađene cost benefit analize projekat snabdijevanja električnom energijom neće biti nastavljen, te da će se podnijeti zahtjev FERK-u za oduzimanje dozvole za rad,
- Uplatnica od 08.06.2015. godine za uplatu jednokratne naknade za obradu zahtjeva.

Polazeći od prava podnosioca zahtjeva, kao imaooca dozvole, zahtijevati od FERK-a oduzimanje izdate mu dozvole za rad uslijed njegove odluke da ne obavlja elektroprivrednu djelatnost za koju mu je izdata dozvola za rad, u skladu sa odredbom člana 48. stav (1) tačka b) Pravilnika za izdavanje dozvola, FERK je izvršio pregled primljenog zahtjeva i priložene dokumentacije. S obzirom da su uz zahtjev za oduzimanje dozvole za rad navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da je podnosilac zahtjeva odlučio ne obavljati elektroprivrednu djelatnost za koju je izdata dozvola za rad, FERK je utvrdio da su ispunjeni uslovi za primjenu odredbe člana 49. stav (2) Pravilnika za izdavanje dozvola.

Na osnovu provedenog postupka oduzimanja Dozvole za rad - licence za snabdijevanje električnom energijom – dozvole II reda broj 06-03-1551/87/13, koju je FERK izdao 26.03.2014. godine podnosiocu zahtjeva „D-PRO“ d.o.o. Sarajevo, analize Zahtjeva za oduzimanje dozvole za rad broj 06-03-527/12/15 od 10.06.2015. godine i dokumentacije priložene uz isti, utvrđeno je da se zahtjevu „D-PRO“ d.o.o. Sarajevo može udovoljiti, te je u skladu sa članom 21. stav (1) tačka 9) i članom 87. stav (2) Zakona o električnoj energiji u Federaciji Bosne i Hercegovine, a u vezi sa članom 48. i 49. Pravilnika za izdavanje dozvola, odlučeno kao u dispozitivu rješenja.

#### **POUKA O PRAVNOM LIJEKU:**

Protiv ovog rješenja „D-PRO“ d.o.o. Sarajevo može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNICA FERK-a**  
**Đulizara Hadžimustafić**